

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Io. Freinshemii Commentarii in libros s̄uperstites Q. Cvrtii
Rvfi**

**Freinsheim, Johann
Curtius Rufus, Quintus**

[Argentorati], [circa 1639 oder später?]

Cap. 7

urn:nbn:de:bsz:31-103771

lib.8.c.6.n.25.26.28.&c.7.n.1.2.5.7.II. Comm. in Curtium.

rius apud Lucianum ad Martem de Ioue sinistre opinantem: *Tace, bona verba! Negue enim tutum est ista vel tibi dicere, vel mihi audire.* Senecæ de tranquill. animi 12, 6. appellatur *teturrimus vitium, auscultatio, & publicorum secretorumque inquisitio, & multarum rerum scientia, quæ nec tuo narrantur, nec tuo audiuntur.*

8,6.25. *I AM VIROS ESSE*) Ambigua fane sententia. si in malam partem & inuidiam trahas, expones: Indignissimam rem videri, iam viros, adhuc puerorum more verberibus castigari: tantam ergo injuriā & contumeliam à viris non modo non ferendam, sed omnibus modis vlciscendam. Et hoc est quod Curtius dixit, videri dictum hoc à Callistheno ad dolorem iuuenium incitandum. Mitior sensus alter est: Non tam ægre ferendam corporis castigationem, nec puerorum modo lamentandum, fortius esse virorum, fortia pati. Raderus. Auctor est Plutarchus cap. 97. eos consuluisse Callisthenem, qua ratione clarissimi possent euadere: Callisthenem, si clarissimum è medio tollerent, respondisse. Valerius Max. tamen 8,14,4. ext. hoc non dictum vel quæsitum vult de interimendo Alexandro, sed Philippo, nisi idem quoque de Alexandro repetitum, vel Valerius memoria lapsus fuerit. Ille sic: *Pausaniam Hermocratem perconsatum esse, quomodo subito clarus posse euadere, aqneis (cum) respondisset: si illusrem virum aliquem occidisset, continuo Philippum interficisse.* Loccenius. Idem quod Valerius narrat etiam Diodorus, 16,95. Puto apud Plutarchum μνημειον οὐ μέτρη μηδε.

8,6.26. *DONAT PROTINVS*) Sebisius malebat, donat: protinusque fratrem &c. restituit. Orosius autem 3,18. erroris arcetatur à Viro Docto, quod Eurylochum occisum dicat ab Alexandro. Sed sciendum non de hoc puer sentire Orosium; sed de alio quodam, id ex Iustino 12, 6, 14. vnde Orosius sua desumpsit, clarum. Nam Iustinus istum Eurylochum occisum innuit dudum ante Clitum, cum nondum de puerorum coniuratione quidquam compertum foret.

8,6.28. *QUI SANGVINE CONTIGISSENT*) Vide supra ad 6, II, 20. Et Arniseum de iure maiestatis 6,8.

8,7,1. *HERMOLAVS*) Similis libertatis exempla in damnatis moriturisque congregavit Gruterus ad Tacitum discurs. 30, 6.

8,7,2. *ETIAM PARENTIS*) Quia lege Maced. omnes propinqui rei occidebantur. Raderus.

8,7,5. *NE SIMPLICI MORTE*) Ut Philotas, antea in eculeum impositus. Raderus. De simplici morte, Indicem consule.

8,7,7. *OBRISTEPVN'T*) Sic apud Tacitum 4, 42, 2. *Emilius è militibus viris, dum studio probandi cuncta reserat, & quamquam inter obstrepentes magna adsequatione nitiuit, audiuit Tiberius probra, quis per occultum lacerabatur.*

REM PVLCHERRIMAM) Sic ipse aestimabat, alii contra. Ita Romæ occisus dictator Cesar alius pessimus alius pulcherrimum facinus videbatur. Tacitus 1, 8, 7.

8,7,11. *TRIG. MILLIA MULORVM*) Quum hæc primum legerem, candide lector, ipse mecum rem quasi ridiculam admiratus, cogitare diligenter cœpi, essetne verum quod homini mihi imperito carum rerum, etiam prope impossibile videretur. Quantam enim pecunia summam triginta millia mulorum ferre posse credamus? Hæc quum ita mecum tacitus reputasse, cœpi anxius etiam atque etiam cogitare, quo pacto rationem iniarem, vt id ita esse certo inuenire, atque ideo firmis argumentis approbare possem: ibi in mentem venit, si ad solam, quæ Persepoli capta est, pecuniam requirebantur mulorum ac camelorum tria millia, vt Diodorus in sexto Alexandri anno supputat; certe etiam hic numerus, quantumvis magnus, aliquo modo ad veram rationem deduci posse, mihi videbatur. Sic enim omnes summas

STRIPPERST. Beatus in Graecia.
Gol. p. 225. I. Stripperst.

mas Susis, Ecbatanis, Pasargadis, Arbelis, Babylonie, & Persepoli inuentas computare volemus, tum cogitare non aurum solum, sed & argentum vectum, & preciosa alia, ut lapillos, gemmas ac margaritas: denique, exaggerationem factam ab hoste perituro Hermolao: non paruum adiumentum habebimus ad hunc locum firmiter constabiliendum. Sed primum Diodori locum in abacum restocemus: ac eo discessio, lectori non omnino stupido, reliqua de aliis locis diiudicanda relinquemus. *Persepoli* (inquit Diodorus 17, 71.) inueniens sunt, auro ad argenti rationem deducto, centum ac viginti millia talentum: qui numerus per sexcenta ductus, producit summam 7200000. coronatorum. [septuagies bis millena millia: non, ut solenni errore enunciatur Explinator; septuagies bis milliescentena millia.] Iam quod ad pondus attinet (portabant enim eam pecuniam mulorum ac camelorum tria millia, ut dictum est) in Romanæ librae besse comprehenduntur septuaginta duo coronati: est autem bes libra Romanæ dimidium librae zyostaticæ, quæ habet coron. 144. per quos si 7200000. diuidantur, erunt librae zyostaticæ 500000. Haec librae si per 3000. mulorum diuidantur, singulis mulis euident librae 66. ac superfiunt 200. librae: quas si addamus, incedent mulorum ac camelorum duo millia, centenis sexagenis septenis: alia millia, centenis sexagenis senis libris. Nostra quidem ætate equi velunt ducenas libras: sed fortassis non in tam longum iter. Sed & vasa ipsa non tam commode, quam pecunia duci potuere: nec omnia in auro erant fortassis, sed & in ebore, argento, aliisque rebus (ut diximus) preciosis: ut non omnino, si quis recte secum animo omnes vbique summas colligat ad eum quem in Persepoleos thesauro ostendimus modum, abs non sit veritati, 3000. mulorum aurum captum vehere Alexandro. Hæc præter consuetudinem nostram ideo scribuntur, ut iuuenibus ad sublimiora anhelantibus cogitandi daremus occasionem, ad ea quæ ante hanc ætatem nemo nouerat. Quotusquisque enim tum erat, immo quotusquisque hodie viuit inter eximis etiam doctos, qui quum ad huiusmodi res ventum est, non continuo fateatur, vel ad se nihil attinere, vel rem fruolam esse, considerationeque indignam. At ego eius sum opinionis tantos auctores haud temere mortos, nec talia scriptis prodituros fuisse, nisi ea & lectu multo dignissima, & cognitu utilissima iudicassent. Glareanus. Additipulatur Curtio Plutarchus de fortuna Alex. 2,24. aurum ab innumeris circumferendum camelis. *μυρίας* dixit Plutarchus, quod illi innumeros reddiderunt, veri fortasse, ne dictu nimium aut incredibile foret, decem millia camelorum auro onusta. Sed decem ea millia nondum accederent ad Curtiæ rationem, si vni camelo diuorum mulorum onus deputes. Apud eundem in Alexandro cap. 68. Persepoli repertum instrumentum regium & opes decem millibus ingorum mularium & quinque millibus camelorum egesta. Rationarium imperii Gallicani, sive Le secret des finances de France descouvert par Froumentreau, indubitate argumentis colligit, ab anno 1550. ad 1581. in Gallia tantum auri exactum esse, quod circiter triginta milibus quingentis tribusque & octoginta mulis onerantis sufficeret: idque sic demonstrat; Anno 1529. Flauobrigam (ea hodie Fontarabia) redimendo Regi Francisco I. missos fuisse teste Bellayo, 1240000. aureos solares triginta duobus mulis pecuniam eam portantibus: exactos autem fuisse aureos solares 158333333; hoc est millies quingenties octuagies ter millena millia, trecenta trigintatris millia aureorum, & insuper triginta super trecentos. Ad hanc rationem si examines Alexandri captiuum aurum reperias 120000000. solares aureos: sive millies ducenties millena millia, & centum supra decem millia. Sane ut supra ad 6, 11, 6. notauius Ecbatanis habebat centies octies millena millia Philipporum: sed hæc vix sextadecima pars fuerit eius summa. Aliunde quidem eum magnam pecuniae vim habuisse dubitari non potest, cum Cyrus olim deuicta Asia, hoc est Lydorum atque sociorum ditionibus, que minima portio

K k k

Persici

Perfici deinceps imperii fuit, argenti *quingenia millia talentorum reportauerit*, teste Plinio 33, 3, 17. hoc est trecenties millesa Philippeorum millia. Sed hac quoque summa longe ab illa abest quam diximus. Certe oportet ingens auri pondo fuisse, quod tot muli onerarentur, & unde sedecim amplius Colossi aurei fieri potuissent, æquales æno quem in Rhodo mundus stupuit. Nam illius materia noningentis camelis asportata est. Camelii vero onus est duplum ad onus muli. Est enim DCCC. pondos ut notat Scaliger ad numerum Eusebian. MDCCXCIV. Non igitur abs re Lipsius in nota ad 3, 2. Admirandorum, peccatum in Curtii numeris putat: & omnino *tria milia pro triginta millia* scribendum. Cum etiam Demosthenes, de classibus, pro magno referat, quod regi Persarum *mille ducens camelii pecuniam* veherent. Sed tamen contra hoc iudicium, Curtium haud leuiter tueri videntur allata Plutarchi loca. Et ne supra fidem videatur ea pecuniae summa, certe ex tot antiquissima opulentia resertis provinciis, ex tot tantisque regnis, quidni intra septem aut octo annos tantudem congesserit Alexander, quantum intra triginta annos ex una Gallia exactum fuisse constat? Praesertim cum etiam David modicorum finium rex, si cum tanto imperio compares, ingenter pecuniae modum habuerit, Paralipom. c. 22. *aeri talenta centum millia, & argenti mille millia talentum*, quod efficiat 120000000. Philippeorum, duodecies centes millesa millia. Ideo Maiolo adeo Curtianus numerus non videtur sufficere, ut insuper alia decem millia mulorum addat. Sic enim scribit in dieb. Canicular. vbi de metallis: Erat Alexandro Magno sancta gaza, ut rehi non posset à paucioribus quadraginta millibus mulorum, ut Curtio videtur, & ex illo etiam recolit Franciscus Picus libro 2. de frigib. Sed enim plus satis erant triginta millia.

8, 7, 12. *PATRIOS MORES*) Firmari hinc possit felix conjectura: Boxhornii in Justin. 12, 4, 1. *A Philippo illum patre tantum degenerauisse*, ut etiam patriæ morem eiuraret, qua etiam de causa hic ab Hermolaio perbello appellatur *transfigra*. Ad stipulatur & Valer. Max. 9, 5, 1. ext. *Passidio Philippi Isuem Hammonem patrem ascensit: tedium morum & cultus Macedonici, ressem & instituta Persica assumpsi*: spes mortali habitu, dinimum amulatus est, nec fuit ei pudori filium, ciuem, hominem dissimilare.

BELLI IVRE) *Transfigras licet, rebicumque inueni fuerint, quasi hosties interficere*. 1, 3. in fine ad L. Corn. de Sic. vbi Gothofred. etiam torque: nam pro hoste, non pro milite habentur. 1, 7. de re mil. Vide Fabri Semestria 1, 18. & Cuiac. obseru. 4, 9.

8, 7, 13. *PATREM AVERSARIS*) Valerium Max. modo citatum respice. Ægila duarum urbium unum nomen est, apud quas olim Aranoni & Alexandro ades posita erant, quibus usque ad Iustiniani imperium hostias maestabant indigenæ. Procop. serm. 6. de aedific. Iustiniani. Confer notas ad 4, 7, 25. & 8, 5, 18. vbi in affectatam hanc diuinitatem acute diuisis adnumera illud Ephesii cuiusdam apud Strabon. lib. 14. Alexandro templum illud instauratu obiectum: non esse conueniens, ut deus diis donaria appareat.

8, 7, 14. *TRISTIVS*) Falsum hoc apud plerosque: rari quippe sunt quibus ista cordi: aliud sibi reliquum quam senere libertatem, aut mori ante servitium? Tacit. 2, 5, 4. de prompta ex ipsis Sallustii Histor. 1, 2, 10. *Estne viris reliqui aliud, quam soluere iniuriam aut mori per virtutem*. Adde eiusdem Catil. 20, 6.

8, 7, 15. *SI E MENDARI POTES*) Gruterus ad Tacit. discur. 41, 5. plus amarulentiae subesse putat his verbis, quam prima fronte videatur, & sic exponit, quasi velit Hermolaus quod apud Tacit. 15, 68, 1. Sulpicius Asper ad Neronem: *Non aliter tot flagitiis eius subueniri posse*. vel, ut Sueton. Ner. 36, 5. efficit: *aliter illi non posse*

Comment. in Curtium. lib.8. cap.7. n.16. & c.8. n.1.2.3.5.6.

posse nisi morte succurri. Ego tamen non video quomodo Curtii verba hanc explicacionem patiantur: non enim imputat Alexandro, ut illi apud Suetonium, quod eum voluisse occidere: sed quod vtilibus eum praeceptis ad bene imperandum, si ea monitione corrigi posset, instruxisset, ad quam rem vtique non morte regis festinata, sed longiora vita opus erat.

8, 7, 16. PARCE) Deest parentibus, aut tale quid. Bongars. suspicatur legendum: De ceuro parce: aliorum orbam sen. supplicio ne oneraueris. Melius Raderus edidit: parce his quorom orbam &c. si tamen ex libris id suppleuit Modius; cum enim ille sequitur, alius quidem libris abest pronomen. Aspicit autem Hermolaus morem Macedonum, quo parricidarum propinquie etiam puniebantur. De quo aliisque similibus supra ad 6, 11, 20, & mitifice disputat Grotius de iure belli 2, 21, 9. & sequentibus. Arnis. de iure maiest. 3, 6, 8. & seqq. & de rep. 1, 4, 2. & Clapmar. arcan. 4, 5.

QUOD PETIERAMVS) Libertatem: ut saltem morte liberemur à seruitute tua & tyrannide. Raderus.

8, 8, 1. PATIENTIA MEA) Si enim essem istis moribus quibus me videri iste voluit, iampridem indicta caussa eum occidisse. Elegans est illud in hac rem, quod de Augusto narrat Sarisberiensis, qui cuidam in publico inclamanti, « Tyranne! respondit, si essem, tu non dices.

8, 8, 2. A MAGISTRO SVO) Inuidiose sic appellat Callisthem, quasi auctor ei doctorque parricidii fuisset.

VT VOS QVOCVE) Male affectus locus: omnes istas voces omitunt MSS. at sequentes, non solum ipse, recentiores impressi. Si mei sit arbitrii, faciam: vi vos quoque ipse audiretis. Vulgo non solum ipse, quod de se dicere Alexandrum intelligas.

8, 8, 3. AB ANTIQVISSIMIS) Non ergo cepit illud institutum à Philippo, vt volebat Aelianus supra ad 8, 6, 2. vbi vide.

A TUTORIBVS) Hac ita concepta fuisse putem: Hoc & oportet fieri, & sit: tutoribus pupilos, mariis uxores, servis quoque huic etatis pueros verbare concedimus. At Acidalius: & sit à tutoribus pupillis, à mariis uxibue. aut potius, vt idem ait, minori mutatione sic: Hoc & oportet fieri (dubitat, an & hoc mutandum ferri) & ferunt à tutoribus pupilli, à mariis uxores: servis quoque &c. Tutoribus autem id ius in pupilos apud Romanos quoque fuisse coniuci potest ex definitione tutelae, quod sit vis ac potestas in capite libero. Nam tutor non rebus diuoxat, sed etiam moribus pupilli preponitur. I. 12. §. 3. de administr. tut. Iuuat & ratio legis vnicæ C. de emend. propinquorum.

VXORES) Ne tamen sine legitimis caussis, neue flagellis aut fustibus id fiat, arg. I. 8. §. 2. C. de repud. & Nou. 117. cap. 14. vbi Gothofr. cui iunge Alciatum de præsumpt. regula prima præsumpt. 3. & quos ibi citat. Item Tiraquellum in leg. Conub. 1, 8. & 9. prolixo, qui probat iure quidem maritis eam potestatem concedi, sed sapientes & cordatos virosea vt in non solere.

SERVIS) Inprimis pædagogis: elegans exemplum in Plauti Bacchid. 3, 3. quæ scena digna lectu: digna, qua bona infinit, imitatu.

8, 8, 5. SVÆ CAVSÆ) Parricidas enim defendit.

8, 8, 6. RYRSVS) Intellige primum à duobus indicibus nominatum veniam impetrasse: iterum deinde coniuctum poenas luisce. Turbat tamen supra 7, 1, 6. ibi enim etiam in easdem cogitationes occidendi regis post veniam relapsum scribit: sed id de duobus indicibus, non vt hic priori, sed posteriori eius consilio attribuit.